


SECTION

5

OSUSUKYEREW



OKASA DWUMADI

Akuapem Twi Kyerewbea Ho Mmara

NNIANIM

Saa ofa yi kasa fa susukyerew ahorow no ho. Enye Akuapem Twi kasa mu nko na susukyerew ho nimde hia na mmom, eho hia wo adesua ahorow bi te se Borɔfo kasa ne Abakɔsem sua mu nso.

Adesua yi beko awiei no, na wutumi:

1. Kyerew amannebo susukyerew
2. Kyerew susukyerew susukyerew
3. Kyerew akwankyerɛ susukyerew

Adwempɔw Ahorow

- Susukyerew ye bere a onipa bi fa akyerew kwan so da ne tirimpɔw adi fa asentitiriw bi ho.
- Wubesua biribi afa susukyerew ahorow abiɛsa ho:
 - o Amannebo susukyerew ye okwan a yenam akyerew so bo amanne fa asem bi a asi ho.
 - o Sukyerɛ susukyerew ye susukyerew a yekyerew fa ade bi ho de kyerekyere senea dekode no su si te pɔtee. Se ebia: ade bi, onipa, bea, osuah, atanka tebea ne nea ekeka ho.
 - o Akwankyerɛ susukyerew nso ye bere a yenam akyerew so kyerekyere okwan a yefa so ye biribi pɔtee. Ekyerekyere kwan anaa nimde pɔtee a yefa so di dwuma bi anaa ye biribi.
- Susukyerew ahorow no mu biara wo nhyehyɛe sononko bi a eda emu biara adi.

ADESUA MU NSENTITIRIW

Yɛaka saa atifiasɛm yi afa ahorow no bi ho aɛm wɔ adesua a atwam no bi mu. Wokae nea yɛka faa Asentitiriw Nnyinaso kasamu ho no? Dɛn ne nkyerekyerɛmu kasamu?

Sɛ wo ne wo mfefo kyɛ adwen wie a, kyerɛw w'ankasa wo nkyerekyerɛmu.

Afei, fa wo mmuae no toto nkyerekyerɛmu a ɛwɔ fam ha no ho.

Asentitiriw Nnyinaso Kasamu

Asentitiriw Nnyinaso Kasamu yɛ ɔkasamu a ɛde asentitiriw a ɛwɔ kasapɛn no mu to gua. ɛnna nkyerekyerɛmu kasamu nso yɛ ɔkasamu a ɛkyerekyerɛ Asentitiriw Nnyinaso Kasamu no mu.

Osusukyerɛw

Ansa na wubetumi akyerɛw susukyerɛw no, wohia emu nimde amapa. ɛsɛ sɛ wutumi hyehye adwen ahorow no yie wɔ kasapɛn biara mu. Yebetumi ayɛ eyi wɔ bere a yerehyehye anaa yerekeka adwen ahorow a esese no abobom wɔ nnidiso nnidiso kwan so wɔ bere a yɛde adansedide mfonini, ntotoho ne nea ɛkeka ho redi dwuma.

Susukyerɛ yɛ bere a onipa fa akyerɛw kwan so da ne tirimpɔw adi fa asentitiriw bi ho. Susukyerɛw biara de aɛmpɔw bi to gua.

Susukyerɛw ahorow abiesa na yɛbɛka ho aɛm. Nea yɛbedi kan aka ho aɛm no ne Amannebo Susukyerɛw.

Amannebo Susukyerɛw

Amannebo Susukyerɛw yɛ ɔkwan a yɛnam akyerɛw so bo amanne fa aɛm bi ase ho. Amannebo susukyerɛw mu nsem tumi yɛ bɔsrɛmka anaa biribi a asi pɔtee. Amannebo susukyerɛw mu no, yehyehye nsem no nnidiso nnidiso kwan so na yɛtaa de edinnsiananmu akuw a edi kan (me, yɛn) na edi dwuma wɔ n'akyerɛw mu.

Wɔde twam kabea, adwen mu mfonini ne kasasu ahorow na ɛkyerɛw Amannebo susukyerɛw mu dodow no ara de twe akenkanfo adwen.

Amannebo susukyerɛw atifiasɛm ho nhweso:

- Kyerɛw abasɛm fa da a edi kan a wokɔ sokuu ho.
- Senea midii akwamma a etwaa mu no.

- Ade titiriw a matumi aye wɔ m'abrabɔ mu a m'ani gye ho pa ara.
- Kyerew abasem bi fa osuahu a wunya fii mfomso bi a woyee mu.

Dwumadi 5.1

Baanu Baanu Adwuma: Monkyerew Asentitiriw Nnyinaso Kasamu ne Nkyerekeremu kasamu abien mfa atifiasem yi ho; *Awodadi*

Dwumadi 5.2

Kenkan abasem a ewɔ fam hɔ no na gyina so hye Amannebɔ susukyerew su ahorow a ewowom no.

<https://open.library.okstate.edu/internationalcomposition/chapter/unique-characteristics-of-the-narrative-essay/>

Akuw adwuma: Gyina nimde a Woanya fa saa adesua yi ho no so na Pensempensem nimde a wususuw se eho hia wɔ senea yesi hyehye adwen ahorow wɔ kasapen mu no ho.

Amannebɔ susukyerew nhyehyee: Amannebɔ wɔ nhyehyee sononko a eboa ma yetumi hyehye emu nsem no yie.

Kenkan abasem a ewɔ ha

<https://mhcc.pressbooks.pub/app/uploads/sites/31/2021/07/Narrative-Essay.pdf>

Dwumadi 5.3

Montena akuwakuw na monkye nimde ahorow a monya fii akenkan no mu no.

Momfa nea musua fii akenkan no mu no ntoto amannebɔ susukyerew nhyehyee ahorow a edidi so yi ho. Nhyehyee ahorow no ne **nnianim**, **asem no ankasa** afei **awiei**.

Nnianim

Eyi na etwe akenkanfo adwen kɔ abasem no so. Mpen pii no, yede asemmisa, akontabude anaa okasamu a etwe akenkanfo adwen na efi ase.

Abasem no ho nnyinasosem a ehia se akenkanfo hu no nso da adi wo nnianim no mu.

Okasamu a eye Amannebo susukyerew no fapem nso betumi apue wo nnianim no.

Asem no Ankasa

Aha na okyerewfo no do asuko de kyerekyere okasamu a eye amannebo susukyerew no fapem no mu.

Amannebo susukyerew mu adwen ahorow no, yehyehye no nnidiso nnidiso wo kasapen kwan so wo saa ofa yi mu.

Ese se kaspen biara nya Asentitiriw Nnyinaso Kasamu wo n'ahyee. Afei, ese se esan nso nya okasamu a ekyerere se wofe sa kasapen no so ako kasapen foforo so wo saa kasapen no awiei ho.

Awiei

San kyere okasamu a eye amannebo susukyerew no fapem no.

San hwe adwempow ahorow no mu wo ofa yi mu.

Kyere okasamu a etwa to a ebo amannebo susukyerew adwempow ahorow no nnyinaa tofa.

Dwumadi 5.4

1. Montena baanu baanu na monkyerew nneema ahorow a ese se eba wo amannebo susukyerew nhyehyee a eto so abien a eye **asem no ankasa** mu. Mo ne mo afoforo nkye ho nimde.
2. Montena akuwakuw na monkyerew kasapen ahorow abiesa mfa afahye bi a moahwe pen ho. Kenkan kyere adesuafo nkae no na mompensempensem emu nhyehyee no mu.
3. Montena akuwakuw na monkenkan abasem a ewo fam ho no na momfa nhwehwe adwempow a ewo kasapen biara mu ne okwan ahorow a okyerewfo no faa so twee akenkanfo no adwen koo susukyerew no mu nsem no so.

Mekoo Asuapɔn/sukuupɔn mu no, na bere biara mebo me ho mmɔden pa ara wo adesua mu. Me maame ye profesa wo asuapɔn mu enna me papa nso ye okyerekyerewfo, ne saa nti wode adesua hyee me mu wo bere a na mesua pa ara. Bere a mewo adantam sukuu mu (afe a eye fapem ma

daakye ntoaso sukuu adesuafo), menyaa chwaw wɔ bere a midii nkoguo wɔ adesua bi a na meɔ me ho mmɔden pa ara wɔ ne sɔhwɛ-kyerew-mu.

Nkogudi.

Eyi ne atenka a minyae wɔ me mu.

Memaa m'awofo ne ne titiriw, m'ankasa nsa sii fam, Eyi maa hu kese bi kaa me maa mibisaa me ho sɛ yei betumi anya nsunsuanso bɔne bi wɔ daakye nhomasua so anaa? Eyi remma mintumi nnya asuapɔn mu akwannya anaa? Ansa na chwaw no beben me so no, Mekogyee afotu fii m'awofo ne me fotufo hɔ. Enam wɔn adom ne wɔn ntease so yii me fii chwaw ne ne sɛe amoa mu na akyiri yi no, mihuu sɛ, biribiara beye yie.

Nokware, sɔhwɛ-kyerew-mu nkogudi ye ade a etumi nya nsunsuanso bɔne wɔ nnipa so nanso sɛ mitumi bɔ me ho mmɔden nya ɔkyerekyerɛfo a ɔbekyerɛ me ade wɔ me nna a aka wɔ sukuu mu no a, ebeboa ama nea esii no rensi bio na ebesan ama me mmɔdemmo akɔ nkan.

Mihuu sɛ nkogudi ka onipa abrabɔ ho na mmom, ɔkwan a yefa so pe chwaw no pomasibere na ekyerɛ yen nkonimdi wɔ saa chwaw no so. Bio, mihuu hia a eho ehia sɛ yepɛ mmoa fi afoforo hɔ. Enam me kyerekyerɛni no mmoa so maa minyaa adesua no mu ntease yie na enam so maa me mmɔdenmmo wɔ saa adesua no mu kɔɔ nkan. Eyi maa mihuu ɔkwan a mefa so agyina chwaw bi ano a emfa ho ne senea ano den si te. Enam saa osuahu a minyaa wɔ ntoaso sukuu mu no so maa me hyɛbere sesae a aboa ama mabeyɛ senea mete nnɛ yi. M'ani agye saa osuahu ahorow a manya no ho ne mpontu a enam so ama manya wɔ saa chwaw yi mu.

Sukyerɛ Susukyerew

Dɛn ne Sukyerɛ Susukyerew?

Sukyerɛ susukyerew ye susukyerew a yekyerew fa ade bi ho de kyerekyerɛ senea dekode no su si te pɔtee, sɛ ebia, ade bi, onipa, beae, osuahu, atenka, tebea ne nea ekeka ho no ho senea ebeyɛ a ɔkenkanfo no behu ade pɔtee a yereka ho asem no yie. Eɛ sɛ yehyehye emu nsem no yie na yede nsemfua a yebetwe akenkanfo no wɔn adwen adi dwuma wɔ mu.

Sukyerε susukyerεw nhyehyεε

Sukyerε susukyerεw nhyehyεε te sε amannebɔ susukyerεw nhyehyεε no ara.

- i. **Nnianim:** Eεε sε nnianim no da nea okyerεwfo no rebekasa afa ho no adi. Nsεm a etwe akenkanfo adwen kɔ sukyerε susukyerεw no so bi te sε ampemmuae asemmisa ho hia wɔ ha pa ara.
- ii. **Asem no Ankasa:** Aha na yekyerεkyerε adwempɔw ahorow no mu. Eεε sε Asentitiriw Nnyinaso Kasamu boa ma adwempɔw no mu da hɔ fann na atumi atwe akenkanfo no adwen aba dwumadi no so. Eεε sε yede kasapen foforo di dwuma wɔ bere a yereda adwempɔw foforo adi.
- iii. **Awiei:** San kyerεw susukyerεw no nnyinaso anaa ne botae a wokaa ho asem wɔ nnianim hɔ no ne adwempɔw ahorow a εda adi wɔ asem no ankasa bom wɔ ha.

Sukyerε susukyerεw ho nhwεso ahorow

- Kyerεkyerε sini a wopε ne hwε pa ara mu.
- Kyerεkyerε senea ahofadi ne aten teneneε si te mu.
- Kyerεkyerε senea nhoma bi a w'ani gye ho pa ara si te.
- Kyerεkyerε senea okwan a edi kan a wutu kɔɔ amanɔne si te,
- Kyerεkyerε senea w'adamfo a wopε n'asem pa ara si te.

Dwumadi 5.5

1. Gyina nea woasua yi so na fa kyerεkyerε sukyerε susukyerεw ase. Den na εma sukyerε susukyerεw da nso fi amannebɔ susukyerεw ho?

- a. Afei, hwε mfonini no na kenkan nea wɔakyerεw wɔ ase hɔ no na wo ne wo mfεfo no nkyε adwen mfa sukyerε susukyerεw su ho. Nhyehyεε no mu nea εwɔ he na wususuw sε εho hia pa ara na den nti a?

[A descriptive essay - Search \(bing.com\)](#)

Sukyerε susukyerεw su ahorow no mu bi na εwɔ fam ha yi:

- Eεε sε nsεm no mu da hɔ fann ma okenkanfo no. Eεε sε nsεm a yede to gua no nyinaa ne adwempɔw no kɔ.
- Fa kasasu ahorow nso di dwuma wɔ akyerεw no mu. Eyi kyerε sε, okyerεwfo no de nnyinahɔma, nsenkyerεne a εkasa ne okyerεfo twa mfonini de kyerε asuafo ade a oreka

ho asem no mu ma akenkanfo no hu ade pɔtee a ɔreka ho asem no.

- Fa nsemfua ahorow a ebeboa ama akenkanfo no ani agye ade a worekyerkyere mu no ho di dwuma.

Dwumadi 5.6

Kenkan akwan ahorow a yefa so kyerew sukyere susukyerew a edidi so yi;

1. Nea edi kan no, ye nhwehwemu fa atifiasem a wode ama wo no ho na baabae adwen ahorow no mu. Boaboa nsemfua anaa nsem bi a wobepɛ se wode bedi wo dwuma no ano.
2. Nea eto so abien, kyerew wo dwumadi nhyehyee no atrapoeatrapoe kwan so fa nea wobeka no ho nnidiso nnidiso.
3. Nea eto so abiesa, kyerew w'asentitiriw nnyinaso kasamu ma kaspen biara.
4. Nea etwa to, kenkan wo susukyerew no mu na ye nsiesie a efata. Yei beboa ama woatumi asiesie mfomso a woaye wo susukyerew no mu nyinaa.

Wode biribi foforo beka eyinom ho anaa? Nneema anan yi mu nea ewo he na wususuw se eho hia pa ara wo bere a worekyerew sukyere susukyerew?

Dwumadi 5.7

1. Montena akuwakuw na monfa kasapɛn ahorow abiesa nkyerew sukyere susukyerew mfa atifiasem yi ho 'Kyerkyere senea Ghana nsase bohea no si te' yi ho na pensempensem nimde ahorow a eboaa wo maa wokyerew saa suskyerew yi mu. Kae se wobeka sukyere no ne nimde ahorow a eboaa wo maa wokyerew wo susukyerew no ho asem akyerew wo mfefo no nyinaa.
2. Ye ntotoho fa amannebo susukyerew ne sukyere susukyerew mu nsem ho. Wo ne wo mfefo nkye wo mmuae no.

Akwankyerε Susukyerew

Akwankyerε Susukyerew da nimde foforo adi fa atifasem bi ho kyere okenkanfo no. Eboa ma okenkanfo no nya ntease a emu dow, nkyereasekann anaa nkyerekyeremu amapa fa atifasem potee ho.

Akwan Ahorow A Yefa So kyere Akwankyerε Susukyerew

Se wubetumi akyerew akwankyerε susukyerew amapa a, eho hia se wubanya not wobanya ntease a emu dow wo atifasem a wode ama wo no ho.

Akwankyerε Susukyerew atifasem ho nhweso ahorow;

1. Kyerekyerε okwan a yefa so nwene kenten
2. Kyerekyerε okwan a wofa so yi akannifo wo wo sukuu mu
3. Nkwan a w'adamfo bi pe pa ara ne abekwan nanso onnim ye. Kyerekyerε no senea yesi ye no.
4. okwan ben so na yesi ye afuw?
5. W'adamfo bi pe se obesra wo wo wo sukuu mu. Kyere no kwan.

Worekyerew akwankyerε susukyerew a, eho behia se wobedi saa atrapoe ahorow yi so;

- a. Kenkan asemmisa anaa atifasem no yie.
- b. San kenkan nimde a woasua afa akwankyerε susukyerew ho no mu. Se wonte biribi ase a, bisa wo kyerekyerεfo na onkyerekyerε mu yie nkyere wo. Wubetumi nso aye nhwehwemu afa atifasem no ho wo abeεfo ntontanfidi so anaa nneema ahorow mu de ape ho nimde.
- c. Kyekye dwumadi no mu nketenkete senea ebeye a wubanya mu ntease yie.
- d. Ye wo susukyerew no ho nhyehye amapa (hwe nea ewo fam ho no.) .
- e. Kyerew okasamu a eye akwankyerε susukyerew no fapem no na hyehye wo nnianim no yie fa hye wo dwumadi no ase.

Nwennweneho dwumadi: Se wokenkan atrapoe ahorow a yefa so kyere akwankyerε susukyerew no wie a, kyere emu nea eho hia pa ara a ebeboa wo ama woaye ahoboa amapa wo akwankyerε susukyerew ho.

Akwankyerɛ susukyerɛw nhyehyɛe ahorow

Akwankyerɛ susukyerɛw ho nhyehyɛe ahorow na edidi so yi:

- i. **Nnianim:** Di kan kyerɛw w'atifikasem no ne akasamu a eye akwankyerɛ susukyerɛw no fapem no na fa bo nea worebeka ho asem no tofa.
- ii. **Asem no Ankasa:** Eyi taa ye kasapen abiesa nanso etumi boro saa wo bere a wo susukyerɛw no ware pa ara. Aha na wokyerɛkyere wo nsem, adwen ahorow anaa atifikasem no mu yie. Eɛe se kasapen biara kyerɛkyere adwempɔw koro pe mu. Eyi beboa ama wo susukyerɛw no mu ada fann. Eho hia se twaka beda kasapen biara ne akasamu a eye akwankyerɛ susukyerɛw no fapem a ewo nnianim kasapen no ntam.
- iii. **Awiei:** Akwankyerɛ susukyerɛw awiei no bo atifikasem mpensempensemu no ho nyinaa bo tofa. Eyi ye akwan a yefa so de akwankyerɛ susukyerɛw dwumadi no nyinaa ba awiei. Ebo nkyerɛkyeremu ahorow a akasamu a eye akwankyerɛ susukyerɛw no fapem no de to gua ne kasapen ahorow a ewo asem no ankasa mu no tofa.

Kenkan abasem no na montena baanu baanu mpensempensem akwankyerɛ susukyerɛw su mu.

<https://www.quora.com/What-are-the-characteristics-of-an-expository-essay>

Dwumadi 5.8

1. Kyerkyere susukyerɛw mu. Wo ne wo mfefo nkye wo mmuae no.
2. Montena baanu baanu mfa nkenkan susukyerɛw nhweso no na momfa mpensempensem akwankyerɛ susukyerɛw mu. Wo ne wo mfefo nkye mmuae no.
<https://assets.myperfectwords.com/blog/expository-essay/expository-essay-examples/expository-essay-example-grade-7-pdf.pdf>
3. Montena baanu baanu na mompensempensem akwan ahorow a yefa so kyerɛw akwankyerɛ susukyerɛw. Wo ne wo mfefo nkye mmuae no.
4. Fa kasapen abiesa kyerɛw akwankyerɛ susukyerɛw fa atifikasem 'kyerɛkyere akwan ahorow a yefa so di aboakyer afahye' no ho na fa ma wo yonko nnyina so nhwehwe akwankyerɛ susukyerɛw su ahorow a ewowom na se ebetumi a, ankasa mfa ne nhyehyɛe ahorow no.
5. Montena akuwakuw na monye ntotoho mfa sukyere susukyerɛw su ne akwankyerɛ susukyerɛw su ho. Mo ne mo mfefo nkye mmuae no ho.

MMOAKYIRI NSEMMISA

1. Fa kasapen biako kyerew amannebo susukyerew na kyere Asentitriw Nnyinaso Kasamu ne nkyerekyeremu kasamu ahorow a ewom.
2. Fa w'ankasa nsemfua kyerekyere amannebo susukyerew mu.
3. Kyerekyere akwan ahorow a wobefa so akyerew amannebo susukyerew atifiase *'Osuahu kese wo m'abrabo mu'*.
4. Pensempense amannebo susukyerew nhyehyee no mu. Fa wo mmuae no to wo mfefo anim.
5. Fa kasapen ahorow abieta kyerew saa susukyerew atifiase yi *"Akwantu sononko bi a mitui* "na pensempense ne su ahorow no mu. Kyere asentitriw Nnyinaso Kasamu a ewo kasapen no mu biara mu.
6. Kyerew atrapoe ahorow a wubegyina so de akyerew saa susukyerew atifiase yi *'Kyerew wo sukuu ho asem'*. Mma wo were mfiri se wode susukyerew yi nhyehyee ne ne su bedi dwuma.
7. Fa kasapen abieta anaa nea eboro saa kyerew sukyere susukyerew atifiase yi. *'M'adamfo a mepɛ n'asem pa ara wo wiase yi mu ho asem'*. Fa sukyere susukyerew ho nhyehyee no di dwuma.
8. Den ne akwankyere susukyerew?
9. Fa kasapen abieta kyerew akwankyere susukyerew fa atifiase *Kyerekyere senea yesi nwene kenten. Pensempense ne nhyehyee no mu.*
10. Ye ntotoho fa amannebo susukyerew ne akwankyere susukyerew ho. Kyerew nneema a esese ne nea eye sononko wo won ntam.

EXTENDED READING

1. Read for further knowledge: <https://www.grammarly.com/blog/expository-essay/>
2. Denenga, M. S. (2019). *Writing Mastery: Expository Essay: Expository Essay*. Munaii
3. Josephine, E. (2020). Narrative Essay <https://doi.org/10.13140/RG.2.2.29485.03041>
4. Lee, K. (2020). *How to write great essays*. Calvin Lee
5. For more on narrative essay
6. https://www.researchgate.net/publication/338778494_Narrative_Essay
7. Read for further clarification <https://myperfectwords.com/blog/descriptive-essay>
8. Neumann, J. (2016). *A professor's guide to writing essays: The no-nonsense plan for better writing*. 2nd Edition. Jacob Neumann
9. Read <https://fresh-essay.com/descriptive-essays>

REFERENCES

1. Ackley, E. et al (1986) *Macmillan English 12* Macmillan Publishing Company 886 Third Avenue New York, NY 10022
2. Crew, F. (1987), *The Random House Handbook* (5th Edition) McGraw. Hill Publishing Company New York
3. MacGraw Hill, G. (2000) *Grammar and Composition Handbook* McGraw-Grieve D. W., and Pratt, K (1971), *Certificate English Language*, Western Printing Service Ltd., Bristol
4. Herfferman, A.W and Lincoln, J.E. (1982), *Writing, A College Handbook*, Third Ed. W.W. Norton & Company Inc. London
5. Marius, R. & Wiener H.S. (1988), *College Handbook* (2nd edition) The McGraw – Hill Publishing Company

ACKNOWLEDGEMENTS



Ghana Education Service (GES)

